


0 1 2 3 4 5 6 7 8 9 10 11 12 13 14 15 16

Inches
1
2
3
4
5
6
7
8
9
10
11
12
13
14
15
16
17
18
19
8
Centimetres

TIFFEN® Color Control Patches

97.34733
27.41
.10



元河南志卷二

後魏城闕古蹟

後魏京城亦在成周門十二

按後趙石虎建武十一年司豫荆充二十六萬人城

洛陽宮至後魏門有三道孝文帝太和十七年幸洛

陽周巡故宮基跡遂詠黍離之詩爲之流涕乃定遷

都詔司空穆亮與尚書李沖將作大匠董爵經始洛

京又命青州刺史劉芳中書舍人常景造洛陽宮殿

門闕之名經途正其號十九年九月新都始立於是

六官文武盡遷洛陽宣武永平二年又詔定諸門闕

名初命中書舍人沈馨以隸書書板題之景明正始

之年又敕符節令江式以大篆易之

南有四門東曰開陽門次西平昌門次西宣陽門次西

津陽門東有三門南曰青陽門
晉之青明門孝文改亦曰稅門又曰芒門

中曰東陽門北曰建春門西有四門南曰西明門

漢之廣陽門孝文改

宣武永平二年又詔寶豐門

次北西陽門

晉之西明門孝文改舊門在東南邪出孝文徙對東

陽門

次北闔闔門

北舊徙門稍南

次北承明門

遷京之始宮闕未就孝文帝徙金墉城西有王南寺數臨幸焉因開此門當金墉城前東西大道而未有名時人謂之新門羣臣常逆帝於新門帝謂御史

中尉李彪曰曹植詩云謁帝承明廬此門當以承明

爲稱

北有二門東曰廣莫門

自廣莫至大夏宮觀相連

西有大夏門

宣武造三層樓去地二十丈洛陽城門樓皆兩重去

宣地百尺唯大夏門甍棟峻麗

宮室

左按宮殿多仍魏晉舊名或云依洛陽圖修繕某所某居疑總名闔闔宮然又與上門名相犯

闔闔門闕

頭闔闔門外挾

大司馬門 端門 止車門 朱華門 乾明門 雲

龍門

頭宮東門

神虎門

宮西門

千秋門

宮西門西對闔門

東掖門

西掖門

大極殿

宣武景明三年成

式乾殿

徽音殿

顯陽殿

宮宴道武以來宗室於此殿

宣光殿

劉騰廢靈太后於此殿

明光殿

莊帝誅爾朱榮之所

理訴殿

宣武延昌元年立理訴殿申訟匱以盡冤窮之理

清暑殿

觀德殿

宴射之所

光極堂

宣極堂

清徽堂

西柏堂

凝閑堂

胡太后置鐘於此堂

茅茨堂

後魏書任城王澄從高祖於觀德殿高祖曰躬以觀德次之凝閑堂高祖曰名要有其義此堂天子閑居之義不可縱奢以忘儉自安以忘危故此堂後作茅茨堂謂李沖曰北東曰步元廡西曰遊凱廡此坐雖非唐堯之君卿等當無愧於元凱

東堂

含溫堂

聽訟觀

宣武永平元年詔依洛陽舊圖修

流化池

取乾道曲成萬物無滯之意

洗煩池 京師東西二十里南北十五里

廟社宮室府曹以外方三百步爲一里里開四門置里正二人吏四人門士八人總二百二十里按城之

大小見上文而陽銜之增廣而言者蓋兼城之外也

又按宣武景明二年發畿內夫五萬五千人築京師三百二十三坊四旬而罷蓋廣陽王嘉所請云京四

面築坊三百二十各周一千二百步

太尉府

在閶闔門南永常寺東西對永康里卽舊銅驅街其

左是魏晉故廟地水經注曰自此南直宣陽門經緯

通達皆列馳道往來之禁一同兩漢凡官寺里名居

第惟舉載於書者

昭元曹

太尉府南

御史臺

太尉府北

左衛府

在閶闔門前御道東

司徒府

左衛府南

大將軍高肇宅

司徒府東

國子學

司徒府南

宗正寺

國子學南

太廟

宗正寺南

護軍府

太廟南

衣冠里

太廟南

宗護軍府

南

右衛府

御道西

太府寺

東南

大右衛府

南宇

將作曹

南

太社

南

將作曹

南

司州

北

太社

南

凌陰里

里西

宣司

州南四朝藏冰處

尚書省

延年里

在西陽門內

御道北卽晉時金市北有濛汜池夏則

有水冬則竭

司空劉騰宅

太僕寺

劉騰宅東

內道北

乘黃署

太僕寺東

武庫署

南

卽魏相國司馬文王府庫也在乘黃署東東至宮門

永康里

在西陽門內御道南

領軍將軍元乂宅

南

穿故井得石銘是漢太尉荀或宅

義井里

在永康里東里北門外叢樹下有甘井石槽鐵罐以
給行人

同惠文王叔車出召乘黃署東東至宮門

司空府

在太倉南

太倉署

在東陽門內道北

導官署

魏字太農寺

太倉署西

治粟里

東門內賈道北相管金市北育繫出幽夏限

導官署南里內倉司官屬居之

宜壽里

南四碑賦水處

治粟里西

中書侍郎王翊宅
基萬丈深數百東高卑廣方數百
晉有中書監荀勗宅又有侍中石崇宅宅有園池

永和里

在清陽門內御道北

里內有太傅錄尚書食孫稚右僕射郭祚吏部尚書邢
鸞廷尉卿元洪超衛尉卿許伯桃涼州刺史尉成興宅
皆朱門華屋當時名爲貴里乃漢董卓宅地里南北
皆有池卓之所造魏時猶有水冬夏不竭掘地者輒
得金寶邢鸞家嘗掘得丹砂及錢數十萬銘曰董太
師之物後夢卓索之鸞不與經年鸞卒園東因名

句盾典農籍田三署

北門內御道南

司農寺

籍田署南

建春門內御道南

御道北有空地擬作東宮

卽晉之太倉

步廣里 蒼龍海

太倉西南

卽翟泉也其周三里水猶澄清洞底明靜

魚鼈鱗甲皆可辨孝文以翟泉在華林園東因名爲

蒼龍海

河南尹解

翟泉之北

永安里

里不知其所

齊王蕭寶寅宅

右城內

宣陽門外一里御道東曰利民里

中里內有靈臺舊基漢光武建者東有辟雍魏武建者

明堂

宣武八年詔建孝明正光中始成在辟雍之西南上圓下方八窗四闕

開陽門外三里御道東曰勸學里有太學

里內有漢太學學堂前石經春秋尚書二十五碑表金裏刻之存十八碑復有四十八碑隸書周易尚書公羊禮記四部又讚學碑一魏文典論碑六至太和十七年猶有四碑孝文題爲勸學里太學宣武時方成至東魏孝靜帝武定四年遷石經於鄴

延賢里

在勸學里東有尚書令王肅宅肅爲南齊祕書丞奔

魏時孝文新營洛邑凡所造制肅博識舊事大有裨益孝文重之因名其里曰延賢

宣陽門外四里至洛水浮橋

號永橋神龜中常景爲銘南北兩岸有四華表舉高

二丈上作金鳳凰

其里曰五賢

永橋以南員邱以北

按後魏書宣武景明二年築圓邱於伊水之陽

伊洛之間夾御道東有四夷館

一曰金陵二曰燕然三曰扶桑四曰崦嵫

西有四夷里

金陵館歸正里

一曰歸正二曰歸德三曰慕化四曰慕義

吳人投魏者處金陵館三年以後賜宅歸正里宣武
景明初齊建安王蕭寶寅奔魏封會稽公築宅歸正
里後晉爵齊王尚南陽長公主寶寅恥與夷人同列
令公主啟帝求入城乃賜宅永安里又張景仁者與
寶寅同至拜羽林監亦賜宅此里民間號吳人坊里

近伊洛二水三十餘家自立巷市所賣多水族時人
謂之魚鼈市景仁亦恥之遂徙居孝義里孝明正光
四年梁武帝子西豐侯蕭正德來奔處金陵館爲築
宅歸正里後正德以宅建歸正寺爭齋闈並令姓
燕然館歸德里

北夷來附者處燕然館三年以後賜宅歸德里正光
中北夷郁久間阿那肱來朝處之燕然館賜宅歸德
里北夷入侍者常秋來春去避中國之熱時人謂之

雁臣

扶桑館慕化里

東夷來附者處扶桑館賜宅慕化里

崦嵫館慕義里

西夷來附者處崦嵫館賜宅慕義里

四通市

四夷慕化之民萬餘家別立市於洛水南號四通市
民閒謂爲永橋市伊洛之魚多於此賣魚味甚美京
師語曰伊洛鯉鮀貴於牛羊

永橋南道東有白象師子二坊

宣武永平二年乾陀羅國獻白象背設五采屏風七
寶坐牀容數人詔養象於乘黃曹象壞屋毀牆走出
百姓驚怖胡太后遂徙象於此坊又嚙噠國獻師子
亦畜此坊莊帝謂侍中李彧曰朕聞虎見師子馴伏
可覓試之乃詔近山州縣捕虎鞏縣山陽並送二虎
一豹見師子皆瞑目不敢仰視園中有一盲熊取試
之聞其氣驚怖曳鎖而走普泰元年節閔並令放還

山林

津陽門外御道西高陽王雍宅宅北中甘里

右城南

建春門外有租場

卽舊常滿倉孝文令爲租場聚蓄貢賦

穀水周圍遼城至此東入陽渠橋有四石柱
在道南銘云漢陽嘉四年將作大匠馬憲造孝明孝
昌三年大雨道南柱埋沒劉澄之山川古今記戴延
之西征記並云晉太康元年造非也

御道北曰建陽里

里內有土臺高三丈上作二精舍中朝時旗亭也上
有二層樓懸鼓擊之以罷市有鐘一撞之間五十里
胡太后徙置宮內其地卽白社董威輦居處

東石橋卽市南也

在建春門外一里餘晉太康元年造南有晉時牛馬

市刑嵇康之所

臨渠水縣門外有洛陽令楊機清德碑
里東曰崇義里東有七里橋

以石爲之

三門

七里橋東一里郭門開三道時人號爲三門離別者
多云相送三門外

東陽門外一里御道北曰東安里內有駙馬都尉司馬
悅濟州刺史刁宣幽州刺史李直奴豫州刺史公孫讓
四宅門外二里御道北曰暉文里

卽晉之馬道里

里內有太保崔光宅太傅李延實宅

卽蜀主劉禪宅延實莊帝之舅其宅東有吳主孫皓

宅

又有冀州刺史李韶宅

卽晉司空張華宅

祕書監鄭道昭宅御道西曰敬義里有典虞曹里南曰
昭德里有尚書僕射游肇御史中尉李彪七兵尚書崔
休幽州刺史常景司農張倫五宅

彪景出自儒生居室儉素倫性豪侈齋宇服玩園林
山池之美諸王莫及造景陽山重巖複嶺嵌崟相屬
山情野興之士遊以忘歸天水人姜質志性疏誕麻
衣葛巾有逸民之操見倫山愛之造庭山賦行於世
清陽門外有太廟門外二里御道北曰孝敬里門外三
里御道南曰景甯里御道北曰孝義里

里西北隅有蘇秦家

驃騎大將軍魏子建宅

收之父

里東洛陽小市北有車騎將軍張景仁宅

自歸正里徙

濟陽志卷三

又有照義里

右城東

後魏西明門外一里有太社御道北太尉清河王懌宅
懌宣武之弟被遺詔輔孝明時帝始六歲胡太后臨
朝事皆諮之熙平神龜閒勢傾人主第宅踰於高陽
西北有高樓俯臨朝市樓下有儒林館延賓堂形制
如清暑殿園中有土山釣池懌愛賓客府僚臣佐皆
一時俊選正光初元乂劉騰害懌太后復政爲懌追
福以宅建沖覺寺

西陽門外一里御道南司州牧城陽王徽宅

永安中北海王入洛徵獨從莊帝至長子城徵願入
洛陽舍宅爲寺及北海敗遂建爲宣忠寺

御道北侍中尚書令臨淮王彧宅

宅有園池林木或引賓客賦詩荊州人張斐詩曰異
林花共色別樹鳥同聲或以蛟龍錦賜之次有得紺
紬紫綾者河東裴子明詩不工罰酒一石子明飲八
斗而醉眠

門外四里御道南洛陽大市

周八里市東南有皇女臺或云漢時皇殤女埋於臺
側故以名又有漢梁冀宅西有河陽縣臺市西北有
土山魚池亦冀所造漢書所謂采土築山十里九坂

以象二崤者

侍中侯剛宅

在河陽縣臺東

市東有通商達貨二里

市里民盡工巧以屠販爲業有劉寶者最富州郡都會
之處皆立一宅宅各養馬十疋宅宇踰制服飾擬於

侯王

市南有調音樂肆二里
市里內絲竹謳歌天下妙妓出焉有田僧超者善吹笳能爲壯士歌項羽吟征西將軍崔延伯愛之正光末
万俟醜奴寇涇岐詔延伯總步騎五萬討之延伯出師於洛陽城西張方橋公卿祖道延伯危冠長劍曜武於前僧超吹壯士曲於後聞者勇奮延伯每臨陣常令僧超爲壯士聲甲冑之士莫不踊躍醜奴募善射者僧超死焉

市西有延酤治釀二里

里民醞酒爲業河東人劉白墮善釀酒季夏盛暑以
釀貯酒暴日中經一旬酒味不動飲之醉而不醒京
師朝貴出郡登藩遠相餉饋踰於千里以其遠至號
曰鶴觴亦名騎驢酒永熙中南青州刺史毛鴻賓齋

酒赴州路逢盜飲之卽醉皆被禽獲因此復名獲姦
酒遊俠語曰不畏張弓拔刀唯畏白墮春醪

市北孝慈奉忠二里

里民以賣棺槨負轎車爲業

又有準財金肆二里

富商貨殖之民處之尚書左僕射元順聞準財里內

頻有怪異遂改爲齊諧里

自延酤以西張方溝以東南臨洛水北達芒山其間東西二里南北十五里並名爲壽邱里皆宗室所居

民閒號王子坊皆崇門豐室洞戶連房有河閒王琛

宅最爲豪首妓女三百人有婢朝雲善吹篪能爲團

扇歌隴上聲琛爲秦州刺史諸羌外叛屢討之不降
琛令朝雲假爲貧嫗吹篪而乞丐諸羌聞之悉皆流涕迭相謂曰何爲棄墳井在山谷爲寇也卽相率歸

降秦民語曰快馬健兒不如老嫗吹篪琛在秦州無政遣使向西域求名馬遠至波斯國得千里馬號曰追風赤次有七百里者十餘疋皆有名號以銀爲槽金爲環鏹諸王服其豪富琛常語人云晉室石崇乃是庶姓猶能雉頭狐腋畫卵雕薪況我大魏天王耶造文柏堂形如徽音殿置玉井金罐以五色繢爲繩又造迎風館於後園窗戶之上列錢青瓈琛嘗會宗室陳諸寶器金瓶銀甕百餘口他物稱是酒器有水晶馬瑙琉璃椀赤玉卮數十枚作工奇妙中土所無又陳女樂名馬引諸王案行府庫謂章武王融曰不恨我不見石崇恨石崇不見我經河陰之役諸王殲盡其宅多以爲寺壽邱里閒列刹相望四月八日京都士女多至河閒寺觀其堂廡焉又有侍中尚書令東平王略之宅後爲追先寺

里西曰宜年里有陳留王景皓宅侍中安定公胡元吉宅出閭闔門外七里有長分橋

西晉時以穀水浚急注於城下多壞民舍立石橋以限之長則分流入洛故名曰長分橋或云晉河閒王在

東長安遣張方征長沙王營軍於此因名爲張方橋後

民間語訛號爲張夫人橋

橋西有千金堰

宗南面右城西

隋城闕古蹟

隋都城卽今河南府路東去漢魏所都之成周四十里西去王城五里煬帝始遷焉

以下自隋通敘至宋

羅郭城

唐武后號神都城亦曰金城天寶二年築神都羅城

按韋述記曰東面十五里二百一十步南面十五里七十步西面十二里一百二十步北面七十里二十一步周回六十九里三百一十步

大業元年築唐長壽二年命李昭德增築唐末兵亂摧圯殆盡周世宗顯德元年命留守武行德葺之然甚卑陋至宋景祐元年王曾判府事復奏加築於是城雉僅完南面三門正南曰定鼎門

南通伊闕北對端門隋建國唐武德四年平王世充改

東曰長夏門

在定鼎門東五里

西曰厚載門

在定鼎門西二里隋曰白虎門唐初避廟諱改

東面三門北曰上東門

西曰接喜門

隋曰建陽唐初改按韋述記中曰建春南曰永通周又廣順中猶存疑宋初廢塞而開羅門

北面二門東曰接喜門

隋曰喜甯唐初改

西曰徽安門宮城曰紫微城

其城象紫微宮因以名

在都城之西北隅

衛尉卿劉權祕書丞韋萬頃監築宮城兵夫七十萬人城周市兩重延袤三十餘里高三十七尺六十日成其內諸殿及牆院又役十餘萬人直東都土工監

當役八十餘萬人其木工瓦工金工石工又十餘萬人

南面四門正門曰則天門

門有兩重觀上曰紫微觀左右連闕闕高一百二十尺南去端門五百步王世充僭位改順天門

東曰興教門

去則天門二百步留守居於門外東城居向北有門

東啟曰永康門

又東曰泰和門

去興教門二百步並重觀門內左右藏庫左藏屋六

重重二十五閒總一百五十閒右藏屋兩重總四十

閒

西曰光政門

去則天門二百步門西城屈向北有門西啟曰隆慶

東面一門曰重光門

內卽東宮

西面一門曰寶城門

門上曰飛雲觀

北面一門曰玄武門

南對則天門

玄武門北曰曜儀門

號曜儀城

其北曰圓壁門

五號圓壁城

門之西曰方諸門

東在寶城門西街之北三里

則天門北曰永泰門

相去四十五步王世充改曰建明門

東西橫門曰東華門曰西華門永泰門北曰乾陽門

相去四十步並重樓東西軒廊周市

正殿曰乾陽殿

去乾陽門一百二十步殿三十閒二十九架闊九丈

從地至鴟尾二百七十尺有三階軒其柱大二十四

圍南軒垂以朱絲網絡王世充改曰福光殿庭東西

有鐘鼓重樓漏刻在樓下左右各有大井井面闊二

十丈

隋煬帝冬至乾陽殿受朝詩北陸隆冬盛南至晷漏長
端拱朝萬國守文繼百王至德輒日用治道愧時康新
邑建嵩嶽雙闕臨洛陽圭景正八表道路均四方碧空
霜華淨朱庭皎日光纓佩旣齊齊鐘鼓何煌煌文戟翊
高殿采旌分修廊元首之明哲股肱資賢良舟楫伫有

寄庶此王化昌牛弘奉和冬至日乾陽殿受朝應詔
恭己臨萬寓宸居馭八埏作貢菁茅集來朝圭幣連司
儀三揖盛掌禮九賓虔重爛映加璧複殿遠非煙

東西上閣

在乾陽殿北各十二步

大業門

在乾陽門北三十步

門內大業殿

相去四十步其規制類乾陽而小

興教門北曰會昌門

去會昌門二百步入內尚食進食尚藥進藥內上進
重物皆由此門

會昌門道左

有內殿內省少府內監內尚光祿尚尉

道右

有門下內省左六衛內府左監門內府

重潤門

在宣善門內橫街東一百二十步

光政門北曰景運門

相去二十步在永泰門西二百步與會昌門並步廊

連市坐宿衛兵

次北曰顯福門

去景運門二百步入內命婦入朝學士進書皆由此

門入

景運門道左

有內史內省祕書內省學士館右監門內府右六衛

內府鷹房內甲庫

道右

有命婦朝堂口口口日法雲二道場通真玉真兩壇接西馬坊

志靜殿

在顯福門北三十步周以軒廊卽宮內共事佛像之所

修文殿

在志靜門橫街東四十步殿內藏正御本書

西有閭闔門

相去百步門南北有仰觀臺高百步門西一百三十步卽寶城門

出東華門東有文成門

相去四十步道北

內有文成殿

周以軒廊

左延福門

在東華門南四十步出門東百步至宣善門街

出西華門西有武安門

相去三十步道北

內有武安殿

大業文成武安三殿御座見朝臣則宿衛隨入殿庭並植枇杷海棠石榴青梧桐樹

右延福門

在西華門南四十步出門西百步至明福門街

寶城門內有儀鸞殿

大業口年有二鸞鳥降寶城內因造殿及儀鸞雙表高尺餘殿南有楨梓林栗林蒲桃架四行長百餘步架南有射堂對闔闔門

觀文殿

觀文殿

殿前兩廂爲書堂各二十間堂前通爲閣道承殿每一門有十二寶幘高廣六尺皆飾以雜寶幘中皆江南晉宋齊梁古書幘前後方五香牀裝以金玉春夏鋪九尺象簟秋設鳳紋綾花褥冬則加錦裝須繡氈其間內南北通爲朕霓窗櫺每三間門一方戶戶垂錦幙

流杯殿

殿上作漆渠九曲煬帝與宮人爲曲水之飲

安福殿

寢殿

千福門

德陽門

千步閣

九洲池

其地屈曲象東海之九洲居地十頃水深丈餘中有瑤光殿

琉璃亭

在九洲池南

一柱觀

在琉璃亭南

口房八院

朝采舍香蘭若春風滋蘭南風和聲闕一
文綺花光等十六堂

又有迎風亭回廊亭珠露齋流風齋回雪齋月輪亭
瓊林觀朝日樓明月樓

隋皇城在府治城西二里尚有闕門舊基定鼎門在府
城南一十里皇城曰太微殿

形制曲折上應太微宮星之度因以名亦號南城
南面三門正南曰端門

北當則天門南當建國門門上重樓曰太微觀門外
有黃道渠渠闊二十步有黃道橋

東曰左掖門
去端門一里門上曰宣平觀門南過黃道橋南道西
西曰右掖門

去端門一里門上曰宣平觀門南過黃道橋南道西
有右俟衛府渠西南有石瀉口東西長三百步闊五
十餘尺深八尺用大鐵爲細腰_亥鉤牽之

東面一門曰東太陽門

出則天門橫街直東七百步

西面二門南曰麗景門

北曰西太陽門

出則天門橫街直西七百步

口口當則天門外第一街之南第二橫街之北東面曰
東朝堂次東門下省次東殿內省次東左翊衛府

東次東左掖門街東錢坊

第三街從西左驍衛府次東左武衛備身府次東左武

衛府次東左屯衛府次東左禦衛府

次東左掖門街街東少府監東抵城

第四街從西司隸臺次東光祿寺次東左監門衛府

西又有甲弩坊

次東太府寺

東次東左掖門街街東少府監東抵城

則天門外第一街之南第二橫街之北西面曰西朝堂

次西內史省次西謁者臺次西左翊衛府

次西右掖門街街西有輶輶庫次西西馬坊西抵城

第三街從東右驍衛府次西右武衛備身府次西右屯

衛府次西右禦衛府

東次西右掖門街街西有子羅倉鹽倉西抵城

第四街從東御史臺次西祕書省次西尚舍庫次西右

監門府次西長秋監

次西右掖門街街西掌醢署次西良醞署

出西太陽門道西第一院

隋王宅

第二院

燕王倓宅

第三院

陳王宅

第四院

代王侑宅皆軒廊坐宿衛

東城

東大業九年築

東面一門曰宣仁門

直東對外郭之上春門

南面一門曰承福門

在左掖門東二里南臨洛水有翊津橋通繙經道場

北面一門曰含嘉門

南對承福門其北卽含嘉倉倉有城號含嘉城

其北曰德猷門

出外郭

城內四街第一街鴻臚寺次東司農寺次東太常寺

東抵城

第二街

卽宣仁門之大道

尚書省

在道北

西漢史臺次西彌書省次西尚書次西

第三街將作監次東太僕寺

東抵城

第四街衛尉寺次東都水監次東宗正寺次東大理寺

東抵城

右東城

上林苑

初曰會通苑又改上林而曰西苑

周二百二十九里一百三十八步東曰嘉豫門

上有翔鳳觀

望春門南面曰清夏門興安門昭仁門西面曰迎秋門遊義門籠煙門靈溪門風和門北面曰朝陽門靈圃門禦冬門膺福門苑內設十六院延光院

含第一

明彩院

第二

含香院

第三

承華院

第四

凝暉院

第五

麗景院

第六

飛英院

第七

流芳院

第八

曜儀院

第九

闕第十

百福院

第十

萬善院

第十一

長春院

第十二

永樂院

第十三

清暑院

第十四

口德院

第十五

第十六 每院備有堂皇之麗階庭並植名花奇樹院
口西南開三門門並臨龍鱗渠渠面闊二十步上跨

飛橋院置一屯用院名名之屯內養羊豕池魚園蔬

瓜果悉具

逍遙亭

在苑內

造山爲海周十餘里

水深數丈中有方丈蓬萊瀛洲諸山相去各三百步

山高水出百餘尺上有通真觀集靈臺總仙宮分在

諸山別有浮橋水殿泛濫往來

龍鱗渠

在海北屈曲水周鑿十六院入海

曲水池

在海東中有曲池水殿上日禊除之所

冷泉宮

有泉極冷因名之

積翠宮

有山池森翠苑中之勝所

顯仁宮

南逼南山北臨洛水

青城宮

北齊天保五年常山王演所築以拒周師使其將嚴

口守之亦號嚴城煬帝因其城造宮至寶城門七里

韋述云古穀城也

凌波宮

在口曰門西曰口二里宮內有含景殿及射堂樓觀

池隍十數里

阜潤宮

別名甘泉宮遷都未成命內史舍人封德彝於此營

造周十餘里宮北通西苑其內多山阜有閨風亭麗

日亭樓霞觀行雨臺清暑殿南有通仙飛橋百尺澗
青蓮峰峰上有翠微亭後王世充建爲甘州
又有朝陽宮棲雲宮

成務殿大順殿文華殿春林殿和春殿華渚堂翠阜
堂流芳堂清風堂光風堂崇蘭堂麗景堂鮮雲堂回
流亭流風亭露華亭飛香亭芝田亭長塘亭芳州亭
翠阜亭芳林亭流芳亭飛花亭留春亭漱秋亭洛浦
亭

右西苑

亭子宮
在上春門東十二里南臨漕渠北臨積潤池池東二十里有華林園備有池榭

龍川宮平洛園

在上春門東

甘泉渠

自建國門南二里疏洛入伊渠上有通仙橋五道時人亦謂之五橋其渠又過長夏門外

漕渠

大業二年土工監丞任洪則開名通遠渠自宮城南承福門外分洛水東至偃師入洛又逕洛水湍淺之處名千步陂渚兩磧東至洛口通大船入通遠市

永濟渠

口口北口口至永濟渠

大通城

王世充與李密戰敗奔大通城畏罪不還洛後世充改爲大通縣

右雜錄

古跡

文獻大縣

王母寺與李密禪娘并大殿梁是異不顯首發

大殿城北四里至永濟渠

天寶集千步翅首東至首口承大器人承袁市

聚合千步翅首東至首口承大器人承袁市

承禪門後各首東至承門人等又多名木器之

大業二年土工溫述王其門名承惠聚自宮城南

曹聚人和體之丘高其果又過夏門

自對園門南二里極者人母聚土育山懸正首插

甘泉聚人和體之丘高其果又過夏門

人和體之丘高其果又過夏門

人和體之丘高其果又過夏門

人和體之丘高其果又過夏門

人和體之丘高其果又過夏門

元河南志卷四

唐城闕古蹟

宮城

因隋名曰紫微城

周十三里二百四十一步高四丈八尺

東西四里一百八十八步南北二里八十五步

城中隔城四重

最北曰圓璧次曰曜儀次曰玄武最南曰洛城

正觀六年號爲洛陽宮

武后光宅元年名太初宮

南面六門正南曰應天門

門上飛觀相夾門外卽朝堂武德四年以其太奢命

行臺僕射屈突通焚之顯慶初司農少卿田仁汪隨

事修葺後又命司農少卿韋機更加營造因隋之名
曰則天門神龍元年避武后尊號改應天門又避中
宗尊號改神龍門尋復爲應天天祐二年改五鳳樓
次東曰明德門

初名興教後改明德天祐二年復名興教門 東城
屈向北五十步有門東啟曰宣政門卽隋之永康門
次東曰重光門

卽東宮正門東西各有小門東曰賓善西曰延義
次東曰大和門

門內卽左藏庫

次西曰長樂門

初名光政後改長樂天祐二年復名光政門 西城
屈向北五十步有門西啟曰隆慶避明皇諱改崇慶
次西曰洛城南門

乾封中門

東面一門曰重光北門

隋名門內卽東宮

西面二門北曰嘉豫門

隋曰寶城門

南曰洛城西門北面二門東曰安甯門西曰玄武門
隋名南當應天門

(玄)武門北曰曜儀城城有三門北面一門曰圓璧南門
隋曰曜儀門顯慶中改

東曰曜儀東門西曰曜儀西門
並顯慶中改

曜儀城北曰圓璧城城有二門北面曰龍光門東曰圓
璧門

門北卽外郭之外

應天門內曰乾元門

隋曰永泰門武后改通天門開元五年改乾元門

東曰萬春門西曰千秋門乾元門外東西橫門曰日華

門月華門

隋曰東華西華唐初改左右延福後改日華月華天祐三年復改左右延福

明德門內會昌門

隋名

次曰章善門

門內有門下省宏文館

長樂門內曰廣運門

隋名其後留守府在廣運門內

次曰明福門

本名顯福避中宗名改內有中書省省西史館省北

次曰光範門

命婦院院北修書院本太平公主內宅史館南內醫局北尚食廚

東曰光範門

宣政殿之南初名敷政後改光範天祐二年改應天

乾元門內正殿曰含元殿

隋之乾陽殿武德四年平王世充遂焚之麟德二年

命司農少卿田仁汪因舊址造乾元殿成高一百二

十尺東西三百四十五尺南北一百七十六尺武后

長壽三年改造明堂上圓下方八窗四闔高三丈號

萬象神宮薛懷義充使檢校去都百餘里外遙望見

之其北造天堂以貯佛像證聖元年大明堂天堂同

焚又敕更造明堂倅前制其上初制寶鳳後以金珠

代之號通天宮其中號端辰殿不復造天堂其所爲

佛光寺明皇開元五年幸東都改爲乾元殿十年復

爲明堂二十七年毀明堂之上層改修下層爲新殿
二十八年佛光寺火延燒廊舍改新殿爲含元殿殿
下有九州鼎武后所鑄
常聽朝內殿本名武成後改宣政天祐二年改貞觀
殿殿南有武成門又南千福門南當敷政門按敷政
見上千福後改乾化天祐二年改乾元武成後改宣
政天祐二年改敷政
宮內有貞觀殿
在含元殿北隋煬帝造自此以下並永淳年製名
徽猷殿
在貞觀殿北殿前有石池東西五十步南北四十步
池中有金花草紫莖碧葉丹花綠實味酸可食
文思殿

在舊東華門之東北

莊敬殿

在文思殿北殿東有鹿宮院次宮東卽隔城城東接

左藏庫

飛香院

在莊敬殿之北

襲芳院

在飛香院之北

大儀殿

在莊敬殿之西

麗春臺

在大儀殿之北

流杯殿

在麗春臺北殿上漆渠九曲從陶光園引水注莊敬

院隋煬帝與宮人爲曲水之飲

宏徽殿

在流杯殿之北

陶光園

在徽猷宏徽之北東西數里南面有長廊卽宮殿之北面也園中有東西渠西通於苑

觀文殿

在武成殿之北

同心閣

在觀文殿之北

麗日臺

在同心閣之北

集仙殿

在武成殿西北武太后造前有迎仙門

臨波閣
在麗日臺北閣北有池池有兩洲東洲有登春閣西洲有飛騎閣

澄華殿

在登春閣之下

凝華殿

在飛騎閣之下

安福殿

在臨波閣北池之北此院雕飾最口煬帝寢御焉

仙居院

在安福殿之西

山齋院

花光院

並在仙居院北

翔龍院

在花光院之北

神居院

在翔龍院之北

仁智院

在仙居院西殿西有千步閣隋煬帝造南有歸義門

九洲池

在仁智殿之南歸義門之西其地屈曲象東海之九洲居地十頃水深丈餘鳥魚翔泳花卉羅植

瑤光殿

在池中洲上隋造

琉璃亭

在瑤光殿南隋造

望景臺

在九洲池北高四十尺方二十五步大帝造

在九洲池北高四十尺方二十五步大帝造

望景臺

一柱觀

在琉璃亭南隋造

映日臺

在九洲池之西東有隔城南有三堂北有三堂舊皆

皇子公主所居

闔闔門

在映日臺東北隔城之上閭南北皆有觀象臺女使

仰觀之所下有陰殿東西二百五十尺南北二百尺

壁前後三丈

五殿

在隔城之西映日臺之南下有五殿上合爲一亦蔭

殿也壁厚五尺高九十尺東西房廊皆五十間西院

有廚東院有教場內庫大帝常御此殿殿南即洛城

南門

儀鸞殿

在五殿北有射堋殿東卽雒城西門外有給使坊及

內教坊御馬坊

百戲堂

在儀鸞殿北

又有五明殿

以上並出六典

上清觀乾元殿之左曰春暉門右曰秋景門北曰燭龍門明福之西曰崇賢門其內曰集賢殿武城之北曰長壽殿集賢之北曰仙居殿其東曰億歲殿又東曰同明殿

其內又有觀禮歸義收成光慶等門延祥延壽六合等殿宜春迎祥六合等院

其西北出曰洛城西門其內曰德昌殿德昌南出曰延

慶門又南曰韶暉門西南曰洛城南門其內曰洛城殿
口口口口殿

洛城南門之西有麗景門夾城自此潛通於上陽焉

右宮城

按劉宏基從太守經略東都戰於瓔珞門外武太后宴於此殿又誅張易之於迎仙院中宗居宏福殿爲崇福殿開元二十四年明皇在東都千秋節御廣達樓宴羣臣武宗時雷震廣達樓又有左右銀臺門含章殿金鑾門廣運門而韋述記皆不載莫能知所在次第

上陽宮在皇城之西南隅上元中置

南臨洛水西距穀水東面卽皇城右掖門之南上元中司農卿韋機造大帝末年常居此宮聽政初大帝

登洛水高岸有臨眺之美詔機於其所營宮宮成移
御之劉仁軌謂侍御史狄仁傑曰古之陂池臺榭皆
在深宮重城之內不欲外人見之恐傷百姓之心也
機之所造列岸修廊在於煙堞之外萬方朝謁無不
覩之此豈致君堯舜之意哉

東西二門南曰提象門

卽正衙門司農少卿樊則造

北曰星驪門

門外有政事院宮南口口口內

提象門

內曰觀風門

南曰浴日樓

東臨洛水

北曰七寶閣正殿東向曰觀風殿

武后還政後居此殿其內有曜掌亭

北曰化城院次仙居殿

東武后崩於此

西南曰甘露殿殿東曰雙曜亭又西曰麟趾殿東曰神

和亭西曰洞元堂觀風殿西曰本枝院又曰麗春殿

東一作麗春臺

殿東曰舍蓮亭西曰芙蓉亭又西曰宜男亭北曰芬芳

門其內曰芬芳殿

又有露菊亭宜春妃嬪仙好冰井等院

又有九洲亭

在麗春臺北亭院內竹木森翠

金華門小文可雙言

宮之南面曰仙雒門又西曰通仙門

並在苑內

其內曰甘湯院次北東上曰玉京門門內金闕門南曰

泰初門玉京之西曰客省院蔭殿翰林院

又西曰西上陽宮

兩宮夾穀水虹橋回駕以通往來

宮西曰含露門玉京門西北出曰仙桃門又西曰壽昌
門北曰玄武門東曰飛龍殿上清觀

在宮西北內女道士所處

金華門

乾門曰儀於門曰金華門外仗下獲信

又寶武后居之東北抵宮城南臨洛水西洛水西卽羅

城

皇城

隋曰太微城亦號南城

東西五里一十七步南北三里二百九十八步高三丈
七尺周一十三里二百五十步南面三門正南曰端門
北當應天門南當定鼎門

東曰左掖門西曰右掖門東面一門曰賓耀門

隋曰東太陽門武德中改東明門顯慶五年又改賓
耀

西面二門南曰麗景門

西入苑

北曰宣耀門

隋曰西太陽門武德中改西明門顯慶五年改宣耀
次北舊有寶城門門外苑又有二門南曰由儀門北

曰咸安門

城中南北四街

舊五街

東西四街應天門外第一橫街之南第二橫街之北
東朝堂次東門下外省次東殿中省

隋曰殿內省

次東左監門衛

漢書內省

開元初分左衛地造內省

次東左衛

隋曰左翊衛

次東左衛率府

開元初分左衛地造

次東尚輦局

與左衛率府隔左掖門街隋少府監作坊地

東朝堂之南第三橫街之北從西第一右春坊

分左驍衛地造

次東左驍衛次東左千牛衛

隋曰左備身府貞觀中爲左領左右府

次東家令寺

分左千牛衛造初東都百司不備武后時猶權寓他所開元初明皇幸洛陽分地營建乃備矣

次東左武衛次東左威衛次東左監門衛

分左威衛地造
次東領軍衛

隋曰左禦衛府

東朝堂之南第四橫街之北從西第一曰鴻臚寺
隋司隸臺及光祿寺之地

次東太府寺次東太廟

西在左掖門街之東隋少府監之地武后造初以置武氏七廟中宗因而正焉

次北中宗廟

隋東宮率府之地

應天門外第一橫街之南第二橫街之北西曰西朝堂

次西中書外省

次西四方館

隋曰謁者臺

次西右衛率府

分右衛地造

次西右衛

次西舊有倉院院西抵城之南北街後併入太社

西朝堂之南第三橫街之北後東第一曰右司禦率府

分右驍衛地造

次西右驍衛次西右千牛衛次西右武衛次西右監門

率府

分右武衛地造

次西知匱使

分右威衛地造

次西右威衛次西內侍省

分右領軍地造

本右威衛地武后移造於此便以園地充衛
次西右領軍衛次西內坊

分右領軍地造

西朝堂之南第四橫街之北從東第一御史臺次西祕

書省

省內有蔡邕石經數十段後魏末自洛陽徙長安周

武帝時徙置鄴隋煬帝爲太子撥殘缺者徙至東宮

又移將作內坊正觀四年祕書監魏徵奏於京祕書

內省置武后復徙於此

次西尚舍局次西太僕寺

隋長秋監之地武德初改名內侍省武后曰司宮臺

尋徙於此街於此置右肅政御史臺景雲中臺廢開

元八年王毛仲爲太僕卿奏自安業坊移寺於此殿

寺西卽右掖門門內道西舊有良醞署後爲瀉口磧

坊

賓耀門內道北有詹事府
大帝末營於此

東城

隋築

東面四里一百九十七步南面一里二百三十步西屬
宮城北面一里二百三十步又南屈一百九十八步屬
宮城之東北隅高三丈五尺

南面屈曲逐洛水之勢北卽含嘉倉城

東面一門曰宣仁門

直東與外郭之上東門相值

南面一門曰承福門

南隔洛水當河南府之西街

北面一門曰含嘉門

南當承福門含嘉門北卽含嘉倉倉北曰德猷門門
出外郭
城中南北街二東西街三
舊四街後併曹司廢街
承福門內南北街之東從南第一橫街之北從西第一
司農寺
舊鴻臚寺之地乾封中徙
次東光祿寺
舊司農寺之地乾封中徙
次東太常寺
承福門內南北街之東從南第二橫街之北東當宣仁
門街北尚書省
長壽中左丞李昭德奏加修繕甚爲壯麗
承福門內南北街之東從南第三橫街之北從西第一

少府監次東軍器監

本修甲弩坊開元初立爲監

次西大理寺

隋代此街之北從東第一衛尉寺第二都水監第三
大理寺更北又開東西一街北從東第一宗正寺
第二太僕寺第三將作監乾封之後修繕東都始移
併焉

東都苑

隋曰會通苑又曰上林苑武德初改芳華苑武后曰
神都苑東抵宮城西臨九曲北背邙阜南拒非山
周一百二十六里東面十七里南面三十九里西面五
十里北面二十四里

隋舊苑方二百二十九里一百三十八步太宗嫌其
廣毀之以賜居人

門北咱舍橐倉會北曰輸牘門

垣高一丈九尺東面四門從北第一曰嘉豫門

門上有觀隋曰翔鳳觀

次南曰上陽門次南曰新開門最南曰望春門南面三
門從東第一曰興善門

隋曰清夏門

次西曰興安門次西曰靈光門

隋曰昭仁門

西面五門從南第一曰迎秋門次北曰遊義門次北曰
籠煙門次北曰靈溪門次北曰風和門北面五門從西
第一曰朝陽門次東曰靈圃門次東曰元圃門次東曰
禦冬門最東曰膺福門

顯慶二年修建東都始廢洛陽宮惣監改青城宮監
爲東都苑北面監明德宮監爲東都苑南面監洛陽
宮農圃監爲東都苑東面監食貨監爲東都苑西面

監凡四監知苑中雜事

苑內有合璧宮

顯慶五年命田仁汪徐感造八闌涼亭改名合璧宮

在苑之最西當中殿曰連璧殿又有齊聖殿北據山

阜甚爲宏壯孝敬皇帝薨此宮之綺雲殿

冷泉宮

隋造有泉極冷因以爲名

高山宮

在苑西北司農卿韋機造

龍鱗宮

大帝所造

積翠宮

隋造六典作翠微宮

宿羽宮

文武東面四門皆北策一曰慕鄉門

望春宮

韋機造在苑東北南臨大池池流水盤屈

明德宮

在合璧宮東南隋曰顯仁宮南逼南山北臨洛水宮

北有射堂官馬坊

望春宮

在苑東南

青城宮

在宿羽宮西

黃女宮

在合璧宮東三面臨洛水水深潭處號黃女灣因以

爲名

芳樹亭

在黃女宮南大帝造

金谷亭

金大帝造

凌波宮

文宮南大帝造

隋造隋及唐初苑內又有朝陽宮栖雲宮景華宮成務殿大順殿文華殿春林殿和春殿華渚堂一作華渚殿翠阜堂流芳堂清風堂光風堂崇蘭堂麗景堂鮮雲堂又有迴流亭流風亭露華亭飛香亭芝田亭長塘亭草塘一作芳草塘芳洲亭翠阜亭流芳亭飛華亭留春亭澂秋亭洛浦亭皆隋煬帝所造武德貞觀之後多漸移毀顯慶後田仁汪韋機等改拆營造或取舊名或因餘所規制與此異矣

凝碧池

東西五里南北三里六典有凝碧亭

右東都苑

按朱梁口口口口口廢明宗長興口口口口

新園名永芳園新殿名和慶殿今在宮苑界又有士和亭冷泉宮

洛漕諸渠而洛水西自苑內上陽宮之南流入外郭城東流經積善坊之北分三道當端門之南立橋三南枝曰星津橋中枝曰天津橋北枝曰黃道橋過橋又合而東流經尚善旌善二坊之北南溢爲魏王池

與洛水隔隄初建都築隄壅水北流餘水停成此池下與洛水潛通深處至數頃水鳥翔泳荷芰翻復爲

都城之勝地貞觀中以賜魏王泰故號爲魏王池泰

黜後賜東宮屬家令寺

又東北流經惠訓坊之西分爲漕渠

分流處置斗門上有橋橋上有屋水勢峻急激湍百

餘步

斗門之西舊中橋

隋名立德橋北當徽安門因水溢壞顯慶中建都後置乾封中司農卿韋機移入東街

過斗門又東流經新中橋

南當長夏門北通西漕橋南北三百步武德初置浮橋尋廢韋機乃徙中橋於此後漕水復壞永昌中敕將作監少匠劉仁景修繕李昭德統其事殊爲堅壯

號永昌橋尋廢其名

又東經安眾慈惠二坊之北有浮橋

隋造名利涉橋北抵通遠市南壁之西偏門王世充平橋市俱廢顯慶中復置南當南市之北壁東偏門北當北郭之安喜門乾封中又廢後乃私造以舟爲

梁

又東流經詢善嘉猷延慶三坊之北出郭城

漕渠本名通遠渠

隋開

自斗門下枝分洛水

當洛水中流立堰令水北流入此渠有餘水然始東下時令官奴捺此堰亦號蜀子堰亦隋煬帝以爲水灘洩多石磧不通舟航乃開此渠下六十餘里至偃師之西復與洛合

東北流至立德坊之南西溢爲新潭

長安中司農卿宗晉卿開以通諸州租船四面植柳中有租場積石其下于上布土潭立石柱馬吉甫爲其文鍾紹京書後潭中水淺租船不能至又東流至歸義坊之西南有西漕橋南當中橋乾封中造

又東流至景仁坊之東南有漕渠

大業初造初曰通濟橋南抵通遠市之北西偏門自此橋之東皆天下之舟船所集常萬餘艘填滿河又路商旅貿易車馬填塞若西京之崇仁坊

又東流經時邕毓財積德三坊之南出郭城之西南洛水之北有分穀渠

自苑內分穀水東流至城之西南隅入洛水渠南隋東有石瀉後入上陽宮

仁風坊有南運渠

自城東流至外郭之東南隅屈而北流經永通建春門外又屈而西流入城經此坊之南又經從善坊南分爲二流屈曲至臨闕坊南而合至南市北有福先寺水磑又北流經延福富教訓善坊之西入洛

通濟坊南有分渠

自苑內支分洛水經此坊之南東北流經西市東折

而東流至河南縣之西又北流至寬政坊之西北隅東流過天門街經宜仁正平坊北流至崇政坊西過河南府宣範恭安坊西北又東北抵擇善坊西北東流經道德惠和樂成富教睦仁靜仁六坊之南屈而北流過官藥園延慶坊之東入於洛其渠至天寶中壅蔽不通遂乃涸絕

立德坊北街有洩城坊

自含嘉倉城出循城南流至宣仁門南屈而東流經此坊之北至東北隅遶此坊屈而南流入漕渠

又坊西街寫口渠

從宣仁門南歧分洩城渠南流與皇城中渠合循城南流至此坊之西南隅遶出此坊屈而東流入漕渠

西有司農官磑

道政坊口千金場

事具河南縣中

歸義坊中瀍水南流

瀍水自修義坊西南流入外郭城南流經進德履順二坊之東又東南流穿思恭坊至南門南流經此坊

入漕渠

分洛堰在厚載門外十八里令每葺堰分洛水以入都城

宋城闕古蹟

宋

按宋以河南爲別都宮室皆因□□□或增葺而非創造今先序五代而以宋統之

宮城

舊名紫微城

周九里三百步

疑西與北經損滅

南面三門正中曰五鳳樓

門因唐天祐之名

東曰興教門西曰光政門

二門因唐舊名

東面一門曰蒼龍門

隋之重光門門內道北卽東宮

西面一門曰金虎門

隋之寶城門唐之嘉豫門

北面一門曰拱宸門

隋唐之武門大中祥符中改南當五鳳樓

五鳳樓內正內曰太極殿門

隋之永泰唐之通天乾元後隋殿名改易太平興國

三年名太極門景德四年改曰太極殿門

河南志卷四

門東西各有門

文書大典
唐初曰萬春千秋今無榜

~~隋之東西華~~□□□左右延福

殿曰太極殿

隋之乾陽唐之乾元明堂
朔元殿後唐同光
祖諱改宣德殿後復爲明堂
宋太平興國三年改太極按殿中藻井有盤木黃龍勢如飛動
太祖嘗彈落其目睛

殿前有左右龍尾道日樓月樓東西橫門曰日華月華
門殿後有柱廊次天興殿

大禮宿齋於此舊曰太極後殿太平興國三年改

其地卽隋之大業唐之天堂

後門

~~太極殿門之西面南曰應天門
其唐之敷政光範又改應天~~

次北固山下

唐之于福乾化又改乾元

光武曰敷政門

次非文明殿

正衙殿也唐之武成宣政又改貞觀梁開平三年改

殿東南隅有鼓樓西南隅有鐘樓東西橫門曰左右延福門殿兩挾曰東上西上閣門

論殿後有柱廊

東土西土閣門

次曰垂拱殿

按唐天祐口後口口口口口傳是此殿太平興國

口口口口垂拱

殿後通天門

後有柱廊

興教門內曰左安禮門口口門東偏左藏庫其西北

鑾和門

太平興國三年改車輶庫門曰鑾和

其內車輶庫

今庫內貯唐及五代車輶甚多太祖開寶九年雩祀

用之

左安禮門北曰左興善門

唐左銀臺門梁開平三年改

東偏雜納庫

今庫後盡空地植花木甚盛

其北左銀臺門

唐曰左宣善門梁開平三年改

東偏班院

在雜納庫北

口偏口坊口光政門內北中書

士在應天門東

中書西右安禮門

口庫之景運門然稍在西不對光政門

次西橫門曰永福門

按後唐同光建左右永福門在口口口南疑興善門

是

門西北三司次西班牙右安禮門北曰右興善門

唐右銀臺門梁開平三年改

門北曰右銀臺門

與宴殿相近後唐莊宗好俳優疑同光中置興善門

西偏崇文院其北右銀臺門

唐曰右章善門梁開平三年改

其南待漏院北學

右興善門內東有橫門過宣徽院

其南待漏院北學

士院 蒼龍門之正西有東隔門

膺福門

唐曰含章門天祐二年改

次西接通天門之柱

東有西隔門次東

曰千秋門

唐曰金鑾門天祐二年改

次東接通天門之柱廊

建禮門在天興殿後

南對五鳳殿

北有隔門

次北拱宸門 建禮門之西曰廣壽殿門

門內廣壽殿

本名嘉慶殿後唐莊宗末劉皇后焚其殿而遁往太

原明宗天成四年重修殿成有司請丹漆金碧以瑩
其之明宗曰此殿經焚不可不修但務宏壯不勞華侈

乃改爲廣壽殿

殿後隔舍卽內東門道其北明德殿

太平興國三年改廣壽第二殿曰明德第三殿曰天

和第四殿曰崇徽

其次天和殿其次崇徽殿廣壽殿門之西曰明福門其

柱廊接通天門

南對文明殿

明福門內曰天福殿門門內天福殿

唐天祐之崇勳殿後唐同光二年改中興

口口寢殿并門名晉天福二年又改今名

口口也卽後唐之絳霄殿太平興國三年改寢殿曰

太清第二殿曰思政第三殿曰延春

其次思政殿其次延春殿其次西北武德殿

後唐同光二年以解卸殿爲端明殿太平興國三年

卦改

明福門之西曰金鑾殿門內金鑾殿

唐天祐中號太極殿又名思政梁開平三年改曰金鑾用敬翔爲金鑾殿大學士卽此殿也後唐莊宗復

改太極長興中改二儀殿後復改金鑾今殿內有佛

像經藏金錄道場什器局之口

其次壽昌殿

口殿口梁之口口口太平興國三年改金鑾第二殿曰壽昌第三殿曰玉華第四殿曰長壽第五殿曰甘露第六殿曰乾陽第七殿曰嘉興

其次玉華殿 其次甘露殿 其次長壽殿

今宮內次第如此

其次乾陽殿 其次嘉興殿

已上洛人名爲七殿

金鑾殿門之西曰含光殿門

在千秋門之西對右銀臺門

門內含光殿

宴殿也其南廊有裝戲院

殿東廊後有紫雲樓

宮中觀宴之所

樓前射弓小院 含光殿後洗澤宮一位建禮門北之

東廊曰御廚相對卽內東門

門外有石師子二製作精巧太祖常以彈彈之其迹

見存真宗著彈丸記刻石

北賜食廳其外卽北隔門

北對拱宸門已見上

門南口口口口口門門西有隔門門內面南有講武

殿

與武口殿相對按唐天祐中口文思球場梁開平三年以行從殿爲興安殿球場爲興安球場疑是此殿

後改名講武

殿後有柱廊有後殿

無名

隔門相對西隔門門西淑景亭位又有隔門以西入後

院內有長春殿

其後唐同光二年建

殿有柱廊後殿以西卽十字池亭其南砌臺冰井娑羅

亭

貯奇石處世傳是李德裕醒酒石按五代通錄德裕孫敬義本名延古居平泉舊墅唐光化初洛中監軍取其石置之家園敬義泣謂張全義請石於監軍監軍忿然曰黃巢賊後誰家園池完復豈獨平泉有石哉全義嘗被巢命以爲詬已卽奏斃之得石徙置於此其石以水沃之有林木自然之狀今謂之娑羅石蓋以樹名之亭宇覆焉

前有九江池

一名九曲池梁太祖沈殺九王之處口口口口口口
傾側墮於池中宮女侍官持扶登岸口口口口口口
口也

其南有內園門

在含光殿門之西

東宮在蒼龍門

宮後東池門內有飛龍院其西軍器庫門內有散甲殿
後唐莊宗子繼岌爲北都留守興聖宮使及平定河
其南而使名不改明宗初入大內居興聖宮疑當時以

東宮爲之

宮後東池門內有飛龍院其西軍器庫門內有散甲殿
梁開平三年改弓箭庫殿爲宣威殿疑是此殿

殿後柱廊有後殿其北相對有夾道門

在拱宸殿內

今宮室口口九百九十餘區云

按唐留守府在大內廣運門內口口口口殿天祐三年改延喜門爲宣化門萬壽門爲萬春門積慶門爲興善門舍清門爲延義門延和門爲章善門保甯殿爲文思殿天祐中又有積善宮安福口口唐同光二年改應順門爲永曜門太平門爲萬春門通政門爲

廣政門鳳鳴門爲韶和門萬春門爲口口門莊宗母貞簡曹太后居長壽宮應順時有廣順殿天興殿清泰時有敷政殿立武樓梁有保甯鞠場以上皆無考

皇城

隋曰太微城亦號南城

宮城之外夾城也周八十里二百五十八步四面中央共開九門南面三門中曰端門北對五鳳樓南對定鼎門東曰左掖門西曰右掖門東面二門南曰賓耀門

隋之東太陽門武德之東明門太帝改賓耀

北曰啟明門

西對宮城之蒼龍門

口口口口金耀門

東對賓耀門疑卽隋之西太陽門

東對宮城之金虎門

西面外夾城又二門南曰麗景門

東對金耀門五代實錄皆云上陽門疑曾更易

北曰開化門

東對乾通門

北面一門曰應福門

門西向其城至微缺一角按其門五代以來曰甲馬

門蓋諸班直宿其內

城內東偏有太廟尚書省次非左軍二門

在興教門之東門內皆班院

西偏郊社御史臺

臺中有開元中御史刻石題名及五代文簿數庫
次西右軍一門

在光政門之西門內皆班院及御園

西夾城內有內侍班

按唐百司署舍皆列皇城內今悉摧圯失其處但舉所在者云梁及後唐有師子門蓋城西門之俗名也欲移像於彼從之

(玄武神祠)

景德三年知河南府邊口言宮苑有(玄武神京邑人崇祀已久靈異之迹著於傳聞臣已葺皇城北門

欲移像於彼從之

右皇城

按口口口口園口口口口四年朝陵入洛
因臨幸而謁上清宮

東城

宮東之外城也隋築唐與宋皆仍舊

東面一門曰宣仁門

福門

今爲陽監前門

北面一門曰含嘉門

今不復口門構但城牆缺口口在口

城內有洛陽監

金初仍宋制正大初以河南爲中京改河南爲金昌府築城東據澗水南接東城之南郭西亦因東城之西郭北縮於舊僅一里先於正隆初遷府治自水南入城宣仁門裏天眷閒遷宣聖廟學於東城東二百餘步大內塞南面左右二門元朝皆如舊制但故皇城內暨水南種口民田城內止十四坊東城

春融坊崇聖坊思賢坊進賢坊

西城

宣口口口口通口口口口口思政坊銅驅坊

樂豐坊

西關

富教坊洛賓坊津陽坊

然居人稀少口口口舊

下

光緒壬申袁漱六前輩臥雪廬藏書輦來厥肆火神廟名鈔舊校觸目琳瑯而值極昂荃孫境又極

窘無計得之又不能自己心躍躍然目炯炯然逐日蹣跚書城之側寢食俱廢見友人中能得者則謹志之爲他日借閱地一日見河南志鈔本一巨帙無卷數用全唐文格子封面題河南志識是徐

星伯先生手筆城池宮闕自周至唐悉具知是宋次道河南志之首冊而星伯先生修全唐文時所錄者議價不成次日卽爲人購去懊惱欲絕後探知歸常熟師所因乞歸錄副而細校之開卷卽云

河南府路羅城方知大典所錄爲元河南志而仍
是宋志原文至述元時寥寥數語必是星伯先生
止錄宋志元代事則置之耳唐朝最詳東京城坊
考全取於此北魏朝校以伽藍記頗有益處周漢
魏晉只能以正史寰宇記校之私心喜甚秘之篋
中廿年甲辰交梓人丁德洲刻於金陵三年始畢
今春門人陳橫山徵君忽覓得阮文達公所刻魏
晉四朝洛陽宮殿圖云出自大典亟假讀之文達
公跋云余於嘉慶十五六年閒在京師文穎館總
閱全唐文時永樂大典多移在館有館中供事鈔
得東漢東都城圖一紙西晉洛陽京城圖一紙後
魏洛陽宮城圖一紙金墉城圖一紙余閱而喜之
亦不能究其從何處鈔出遂令照鈔數紙知此圖
非後人所能造必唐以前舊書中之遺蹟也有此

圖則讀漢晉魏書者皆瞭然於南北前後城宮殿
觀不必推測矣恐日久圖失刻之於板以貽讀書
人尋繹而自得之隋文選樓主人識實則摹從此
志阮僅以漢晉洛陽宮城圖標題而宋西京圖亦
附存焉入之此志豐城劍合矣吾輩抱殘守缺竟
有脗合無迹出於意料之外者若唐宮城圖見東
京城坊考不必轉摹惟宋次道河南志二十卷李
氏得月樓書目尙有其書儻一旦復出世間此數
卷書留覆醬瓿亦所願矣光緒戊申中秋前四日
繆荃孫跋

阮圖訂誤

漢都城

畢呈苑呈誤呈

上商里上誤止

西晉京城

雍門雍誤雍

陵雲臺陵雲誤陵

靈

聽訟觀訟誤松

顯陽殿陽誤揚

式

乾殿式誤武 陰流池陰誤除

應有魏京城圖闕 金墉城魏明帝築非後魏

後魏京城 大夏門門誤殿 李直奴李誤季

崔休休誤林 邢巒巒誤爲 城陽王徽

宅城誤成 延酤里酤誤酤 賜治里治誤

卷一

宋西京城圖 夾道門夾誤央 婆羅亭婆誤

掌 内園門園誤思

京

前辛酉入之山也豐加

官印合無此

志

志詞雖以冀皆名之而未西京圖

人

人轄寧而自耕之智文選雙主人耕南明義

賦

賦不必耕也矣愚日入園夫傳之文以詩賈書

圖

圖則實美音歌嘗皆懇懃於南北

共三萬九千七百七十八字



70022285

